

理藩院則例



理藩院則例

賓客清吏司

一朝覲。順治五年定。蒙古王貝勒貝子公台吉都統等。準於年節來朝。○六年題準。蒙古朝覲之期。每年定於十二月十五日以後二十五日以前到齊。

一朝儀

國初定。蒙古王貝勒等。凡遇年節。皆會集於各扎薩克處。咸朝服。望

闕行三跪九叩禮。○康熙二十六年題準。朝覲來



京之王等。凡遇祭祀。一體齋戒。遇朝會。按班齊集。違者。罰俸六月。○三十二年議準。蒙古王貝勒。及鄂羅斯等處來使。如遇年節冬至。及凡遇慶賀。皆行三跪九叩禮。來使。凡遇

召見。賜茶及賜燕。均行三跪九叩禮。食畢。行一跪三叩禮。○三十九年覆準。王貝勒。台吉等來朝。凡遇祭祀。

壇

廟齋戒行禮處。停其陪祀。令於

午門外按翼排班候

聖駕出入時。與不陪祀之在內王公。一體迎送。

一班次。順治八年題準。各蒙古分為兩班。循環來朝。○十五年題準。承襲王貝勒。貝子。公爵。未及十八歲者。免其年節來朝。至十八歲。始令入班朝覲。○康熙元年題準。每年元旦。令歸化城土默特二都統。輪班來朝。留一人辦事。副都統亦如之。○五十九年題準。年例朝覲。蒙古二十四部落。定例分為兩班。將班次曉諭。應來之王貝勒。貝子。公。台吉。塔布囊等。令其按期朝集。如有事故。令協理旗務之台吉。塔布囊一人前來。

若協理旗務之台吉。塔布囊。亦有公事。及患病等情。即遣本旗內大台吉。塔布囊代覲。仍將情由。用印文送院察覈。如並無事故。托辭不朝者。將該管扎薩克等。一并題叅治罪。○雍正四年奉

上諭。向來四十九旗王。台吉等。分為兩班來京。其家中即有要務。或身抱疾疴。亦必前來。交春始回本地。明歲冬季。又復直班。為期既近。冬月往返勞苦。深可軫念。嗣後有願來請安者。當於草青時。仍令前來。其循年例來京者。分為三班。二年一朝。俾得休息。欽此。遵

旨議準。蒙古朝覲。內扎薩克分為三班。一年一班。輪流來朝。不直班之扎薩克。令該旗協理旗務台吉一人前來。公主之子孫。姻戚台吉等。一家一人。亦分為三班。輪流來京。內扎薩克一班。以哲里穆盟會內科爾沁親王一人。郡王一人。貝勒一人。鎮國公一人。輔國公一人。郭爾羅斯一等台吉一人。召烏達盟會內敖漢郡王一人。巴林郡王一人。翁牛特貝勒一人。巴林貝子一人。卓索圖盟會內土默特貝子一人。喀喇沁鎮國公一人。輔國公一人。扎薩克一等塔布囊一人。錫

林郭爾盟會內蘇尼特郡王一人。阿霸垓郡王一人。蒿齊忒郡王一人。阿霸哈納爾貝勒一人。烏朱穆秦貝勒一人。蘇尼特貝勒一人。阿霸垓貝子一人。烏朱穆秦鎮國公一人。輔國公一人。烏蘭察布盟會內吳喇忒輔國公一人。伊克召盟會內鄂爾多斯貝勒一人。輔國公一人。二班以哲里穆盟會內科爾沁親王一人。郡王一人。扎賴特貝勒一人。郭爾羅斯鎮國公一人。科爾沁輔國公二人。郭爾羅斯輔國公一人。召烏達盟會內翁牛特郡王一人。扎魯特貝勒一人。喀

爾喀左翼貝勒一人。教漢貝勒一人。巴林貝子一人。翁牛特鎮國公一人。扎魯特鎮國公一人。卓索圖盟會內喀喇沁郡王一人。輔國公一人。錫林郭爾盟會內蒿齊忒郡王一人。蘇尼特郡王一人。阿霸哈納爾貝子一人。烏蘭察布盟會內四子部落郡王一人。毛明安貝勒一人。喀爾喀右翼貝子一人。吳喇忒鎮國公一人。毛明安扎薩克一等台吉一人。伊克召盟會內鄂爾多斯郡王一人。貝子二人。扎薩克一等台吉一人。三班以哲里穆盟會內科爾沁親王一人。郡王

二人。貝勒一人。貝子一人。杜爾伯特貝子一人。科爾沁鎮國公一人。輔國公二人。召烏達盟會內奈曼郡王一人。敖漢郡王一人。阿祿科爾沁貝勒一人。扎魯特貝勒一人。巴林貝子一人。克西克騰扎薩克一等台吉一人。卓索圖盟會內土默特貝勒二人。喀喇沁貝子一人。錫林郭爾盟會內烏朱穆秦親王一人。阿霸垓郡王一人。蘇尼特輔國公一人。阿霸垓輔國公一人。烏蘭察布盟會內喀爾喀右翼貝勒一人。貝子一人。吳喇忒鎮國公一人。喀爾喀右翼鎮國公一人。

伊克召盟會內鄂爾多斯貝子二人。各按班來朝。○乾隆五年奏準。擢於近

御及

乾清門行走之內扎薩克。王貝勒以下。台吉塔布囊以上。分為兩班。令其每年

萬壽年節。輪班來朝。○十年奏準。蒙古王公扎薩克等。皆辦理一旗事務之人。盟長又係總理一盟會事務。遠離遊牧。來京久住。不免諸事遺誤。再擢於近

御及

乾清門行走之人。其中盟長扎薩克等甚多。分為二班。每年來京久住。遊牧事務。恐有遺誤。嗣後除閑散王。公。額駙。台吉等。照常兩班來朝外。其盟長扎薩克。不必入於兩班。或遇年班。或有事來京。仍令在

乾清門行走。○十四年奏準。閑散行走之額駙等。分為三班。一年一班。輪流來朝。

一叙次。順治十年題準。蒙古親王。在內親王之下。郡王。在內郡王之下。貝勒。在內貝勒之下。貝子。在內貝子之下。公。在內公之下。以次叙坐。○

十八年題準。年節來朝。或進貢。或會集。坐次。先一。二等台吉。次蒙古子。次三等台吉。次蒙古都統。次四等台吉。蒙古副都統。次蒙古叅領。佐領。其蒙古男以下。雲騎尉以上。各按品級。分別叙坐。○康熙五年定。一二等台吉塔布囊。令於內大臣之下叙坐。一貢物。

國初定。歸化城土默特二旗。每年四季貢馬百匹。段百疋。○順治二年題準。歸化城土默特二旗。四季貢馬百六十三匹。免其貢段。○十四年題

準。歸化城土默特二旗。每年貢石青二千斤。○
康熙十三年題準。每年節進貢科爾沁等十旗。
共進十有二九。計羊百有八隻。乳酒百有八瓶。
鄂爾多斯六旗。吳喇忒三旗。共進九九。計羊八
十一隻。乳酒八十一瓶。餘二十五旗。共進三九。
計羊二十七隻。乳酒二十七瓶。由院察收。交與
禮部。○二十三年題準。年節進貢。阿霸哈納爾
二旗。喀爾喀一旗。共進三九。計羊二十七隻。乳
酒二十七瓶。由院察收。交與禮部。○二十四年
題準。蒙古王等年節進貢。每旗止令進羊一隻。

乳酒一瓶。交與禮部。○二十九年奉

旨。科爾沁王台吉。並王妃夫人等。所進湯羊。每年定例
太多。嗣後進羊。數不得過二三。○三十四年奉

旨。土默特効力甚苦。嗣後馬鹿鷹鷄等貢。永行停止。○
四十年。停止歸化城土默特進貢石青。○四十
一年。科爾沁旗分台吉等之妻。進貢湯羊。奉

旨。蒙古進羊。亦非容易。嗣後進

皇太后前者。照常進貢。進於朕前者。著停止。○乾隆元
年。覆準。蒙古各旗扎薩克。每年十二月各進羊
一隻。乳酒一瓶。著為定例。今鄂爾多斯別分一

旗。其管旗之扎薩克台吉等願貢羊酒。應準其照例進貢。

一貢道。科爾沁。郭爾羅斯。杜爾伯特。扎賴特。均由山海關。土默特。扎魯特。阿祿科爾沁。敖漢。奈曼。喀爾喀左翼。喀喇沁。翁牛特。均由喜峯口。阿霸哈納爾。阿霸垓。蒿齊忒。烏朱穆秦。巴林。克西克騰。均由獨石口。喀爾喀右翼。四子部落。蘇尼特。毛明安。喀爾喀右翼。均由張家口。歸化城。土默特。鄂爾多斯。吳喇忒。均由殺虎口。以達京師。一禁約。順治五年定。蒙古每年四季。各旗遣一

人來京聽事。○十四年題準。外藩固倫公主。親王以下。縣君公以上。或以朝貢。或以嫁娶。及探親等事。欲來京師者。皆報院請

旨。不得私來。○康熙四年題準。除下嫁蒙古公主。郡主外。王以下。扎薩克台吉以上。以進貢來者。不必題請。○又題準。歸化城土默特。亦於每年四季。各旗遣一人來京聽事。○十三年題準。台吉塔布囊等。年老有疾。不能親來者。方準遣使代貢。年壯無疾。遣使者不準。○三十三年覆準。蒙古王等隨來兵丁。絡繹不絕。著於各旗台吉塔

布囊。叅領。驍騎校內。選一人為頭領。監管。倘有搶掠竊盜事發。一并議處。並行文各扎薩克。嗣後凡無貢物空身來者。停其給發印文。○四十年。三年議準。蒙古台吉。定為一年一次進貢。如有情願來貢者。準其進貢。該扎薩克。將台吉等職名貢物。開載印文。進口時。該管官察明人數貢物。亦用印文。差綠旗步兵齎送。其扎薩克印文。交稽察館務官詳勘。願來之台吉。亦照正貢例安置。○五十六年。覆準。蒙古台吉等進貢人入口時。令守邊口官察明貢物。即用印文。交步兵

齎送。不得遲延勒索。如違。交部嚴究議罪。○又議準。進貢之台吉塔布囊等。由該扎薩克處。各將職名年貌貢物數目。並願來之台吉。逐一開明。給印文。令其來京。倘將冊內無名品級未到之台吉。徇情濫給印文。令來者。將該扎薩克王貝勒貝子公台吉等。各罰俸一年。協理旗務台吉。各罰牲畜五九。○雍正七年定。四時進貢聽事之處。改為十月內來京一次。○乾隆十二年。議準。每年冬季進貢之台吉等。均編班次。令其輪流行走。有千餘台吉之旗。令二三百人前來。

五百以上之旗。令百餘人前來。止二三百之旗。來者不得過六十人。若有事故不能來者。不得逼勒。其願來之台吉。預先詢明。每人給印文一紙。開載姓名。以杜冒替。並將各旗所來名數。彙造一簿。先期報院。以備察覈。一騎從。順治五年題準。蒙古王等來京。親王準隨五十人。郡王四十五人。貝勒四十人。貝子三十五人。鎮國公。輔國公。各三十人。台吉。都統等各十人。於定額之外多來者。不準支給食物草料。○十年題準。蒙古王等來京。親王及隨從人。

共馬十有五匹。郡王及隨從人共馬十匹。貝勒及隨從人共馬八匹。貝子。固倫額駙及隨從人共馬六匹。公。和碩公主額駙。郡主額駙。縣主額駙。及隨從人共馬四匹。公主之子及從人共馬三匹。台吉及從人共馬二匹。若台吉等隨其王貝勒來者。止定本身馬一匹。固倫公主視親王。郡主視郡王。縣主視貝勒。郡君視貝子。縣君視公。都統子以下。雲騎尉以上。各本身馬一匹。均行文戶部支給草料。此外馬駝。交禮部馬館飼養。○十八年題準。公主。郡主等與額駙同來。隨

從人員。悉照來數。支給食物草料。若額駙等獨來。固倫額駙準隨四十人。和碩額駙三十人。多羅額駙公主之子二十人。固山額駙十有五人。餘人。不準支給食物草料。○康熙六十一年議準。凡固倫公主來京。準隨護衛官二十三人。婢女十有三人。僕從十有四人。在館養馬六十五匹。坐馬十有五匹。和碩公主。護衛官十有四人。婢女十有六人。僕從十人。養馬六十匹。坐馬十有三匹。郡主。婢女二十人。僕從十有三人。養馬五十匹。坐馬十匹。縣主。婢女十有八人。僕從十

有二人。養馬四十匹。坐馬八匹。郡君。婢女十有五人。僕從十人。養馬三十五匹。坐馬六匹。縣君。婢女十有二人。僕從八人。養馬二十五匹。坐馬四匹。鄉君。婢女一人。僕從九人。養馬十匹。坐馬三匹。宗女。婢女一人。僕從七人。養馬八匹。坐馬三匹。若固倫公主之固倫額駙。和碩公主之和碩額駙。來京。均準隨護衛六人。隨從九人。僕從十人。養馬三十五匹。坐馬六匹。郡主之和碩額駙。隨從十有三人。僕從十有二人。養馬三十五匹。坐馬六匹。縣主之多羅額駙。隨從十人。僕從

十人。養馬二十五匹。坐馬四匹。郡君之多羅額駙。隨從八人。僕從七人。養馬二十五匹。坐馬四匹。縣君之固山額駙。隨從三人。僕從七人。養馬十有五匹。坐馬三匹。鄉君額駙。僕從六人。養馬八匹。坐馬一匹。若親王來京。準隨長史護衛等官二十三人。隨從七人。僕從十人。養馬六十匹。坐馬十有五匹。惟科爾沁之土謝圖。卓里克圖。達爾漢。三親王。養馬六十五匹。郡王。長史護衛等官十有八人。隨從七人。僕從十人。養馬五十匹。坐馬十匹。貝勒。司儀。長護衛等官十有一人。

隨從九人。僕從十人。養馬四十匹。坐馬八匹。惟科爾沁達爾漢親王旗一貝勒。養馬六十五匹。坐馬十有五匹。貝子。護衛等官八人。隨從七人。僕從十人。養馬三十五匹。坐馬六匹。公。護衛等官六人。隨從六人。僕從八人。養馬二十五匹。坐馬四匹。扎薩克台吉。塔布囊。僕從十人。養馬十匹。坐馬三匹。公主之子孫台吉。塔布囊。隨從三人。僕從三人。養馬十有五匹。坐馬三匹。姻戚台吉。塔布囊。僕從六人。養馬十有五匹。坐馬三匹。台吉。塔布囊。僕從四人。養馬八匹。坐馬一匹。都

統子副都統。男等來京。各準隨僕從四人。養馬五匹。坐馬一匹。長史護衛。叅領佐領。騎都尉雲騎尉。駙騎校等。僕從各一人。養馬各三匹。坐馬各一匹。隨從領催駙騎閑散人等。不準帶僕從。止準坐馬一匹。

一賓館。順治初年定。科爾沁三親王。一貝勒。及公主等來京。奏除內親王以下。民公侯伯內大臣。侍衛。及一品官。均蟒袍補服。出郊迎接。由禮部備茶。餞送亦如之。均請

旨遵行。○康熙二十六年題準。科爾沁等十旗。王以

下。台吉等以上。請

安進貢。今年停其在

皇城内撥房。令於會同館內安置。○三十三年覆準。內外館居住蒙古賓客。原委理藩院及光祿寺官筆帖式各二人驗看。給發什物。戶禮工三部。止委司官筆帖式各一人。兩處驗給。實難周徧。嗣後戶工兩部。加委旗員筆帖式各二人。分行內外館。遇賓客到日。各項廩給。照數速發。所給草。照穀草七斤之數。若有短少。將該管官員筆帖式。承發之吏。一并題叅。

一限期。康熙六十一年議準。凡額駙等尚主之後。未往蒙古地方者。按其應得口糧。折銀支給。居住京師之公主等回家時。仍分別給與路費。來時不計限期。供應廩給。凡額駙親屬。公主之子孫。自親王以下。台吉以上。凡係姻戚來京者。皆得展限居住。非姻戚之王等以下。扎薩克。台吉以上。來京者。均予十日廩給。平時來貢之台吉。予五日。收納貢物之後。再給五日。都統以下。來使。均予五日廩給。○又議準。內扎薩克王等來京。均定限四十日。正副使亦如之。○雍正元

年議準。公主等下嫁蒙古。成婚之後。久住京師。與蒙古甚無裨益。嗣後公主等下嫁蒙古。非特旨留京者。不得過一年之限。若因疾病。或有娠。不能即往者。令將情節奏明展限。○二年奏準。下嫁蒙古之公主郡主等。如欲來京者。並令請旨。不得擅來京師。其奉

旨來京者。均定以限期。照例供給。內扎薩克額駙。準住四十日。公主郡主等。準住六十日。如限滿後。仍欲留京者。亦須奏明。再支供給。○五年定。近御之額駙。台吉等所供廩給。毋庸勒限。隨居住之日

給與。○乾隆九年議準。蒙古額駙台吉等。擢於近

御行走。與擢於

乾清門行走。既有分別。則其住京之例。亦應酌量。除擢於近

御行走者。毋庸定限外。其擢於

乾清門行走之額駙台吉等。仍定限四十日。令其起行。

一教養。順治十六年題準。台吉等有願入內廷隨侍者。由院具題。交與內大臣。○雍正九年

諭。從前

皇考時。曾將蒙古子弟留內教養。應將蒙古王貝勒貝子公。扎薩克等之子。年十五歲以上者。令其來京教養。交與理藩院請旨。欽此。遵

旨議準。行文內扎薩克六會盟長。將各王貝勒貝子公。大台吉等之子。年十五以上。人品聰敏。已經出痘者。開具年歲。造冊送院。并行文喀爾喀等各扎薩克一體辦理。○十年議準。擢於

乾清門行走之台吉。未授品級者。皆照伊等應得品級。給與頂帶補服。嗣後擢於

乾清門行走之台吉等。悉照此例。○乾隆十六年奉

旨。乾清門行走未得品級之科爾沁台吉。喀喇沁塔布囊。著賞給應得品級。嗣後有擢於乾清門未得品級之台吉。塔布囊。皆著照此例給與品級。欽此。一廩給島收折價。康熙四十六年議準。蒙古王台吉等來京。除所騎馬駝。交館餽養外。坐馬草料。及煮料柴薪。仍行給與。其餘口糧食物等項。停其戶禮工三部領取。均照該部所定之價。減十分之一。折銀支給。使衆蒙古得以自便。共沾

實惠。○六十一年議準。自固倫公主以下官員以上。隨來僕從。原定每日給銀二分五釐。應加增一半。定為僕從一人。日給銀五分。其宗女亦應酌給口糧路費。再固山額駙本身口糧。原定日給銀七錢三分。應加增七分。日給八錢。公之壻本身口糧路費。原定日給銀四錢。應加增一錢。日給五錢。扎薩克台吉本身口糧。原定日給銀七錢四分。應加增二錢六分。日給銀一兩。若額駙。公主。郡主。暨蒙古王妃。與台吉。命婦。夫婦同來往者。口糧并為一分支給。坐馬。養馬。仍各

照例分給。○雍正三年議準。公主等坐馬。日給料三升二合四撮。穀草。羊草各一束。柴斤半。王台吉等及一應官員兵丁人等坐馬。日給料四升。穀草。羊草各一束。柴二斤。按定例柴一斤。價銀二釐六毫六絲。料一斛。價銀一兩二錢。穀草一束。價銀一分五釐。羊草一束。價銀六釐五毫一絲。今蒙古賓客等坐馬草料及煮料柴薪亦應照從前口糧食物之例。減定價十分之一。折銀支給。均於本院庫銀內動用。年終彙數奏銷。○十二年議準。常住在京之蒙古。非暫來者可

比。從前喀爾喀郡王厄魯特貝勒之廩給。均照定例裁減一半。嗣後常住在京之蒙古。除近

御行走者不議外。餘均照例減半給與。此等常住之人。

無須餵養馬駝。並將草料折價。一并停給。

一廩給定數。康熙六十一年議準。固倫公主。本身及隨從人等口糧。每日共給銀六兩三錢五分。坐馬草料。每日共給銀八錢六分九釐一毫三絲。公主來京路費銀四十兩七錢九分。回家路費銀四十兩一錢九分。隨從五十人。每日共給路費銀三錢。○和碩公主。本身及隨從人等口糧。每日共給

銀五兩二錢五分。坐馬草料。每日共給銀七錢五分。三釐二毫四絲二忽。公主來京進喜峯口。給路費銀十有八兩五錢。進張家口。給銀十有八兩。進古北口。給銀十有七兩。公主回家出喜峯口。給路費銀二十五兩五錢九分。出張家口。給銀二十五兩九分。出古北口。給銀二十四兩九分。隨從四十人。每日共給路費銀三錢。○郡主本身及奴婢。每日共給銀四兩三錢七分五釐。坐馬草料。每日共給銀五錢七分九釐四毫二絲。郡主回家路費銀十有五兩一錢。奴婢三十五人。每日共給路費銀二錢。

○縣主本身及奴婢。每日共給銀三兩五錢。坐馬草料。每日共給銀四錢六分三釐五毫三絲六忽。縣主回家路費銀八兩五分。奴婢三十人。每日共給路費銀一錢八分。○郡君本身及奴婢。每日共給銀二兩八錢五分。坐馬草料。每日共給銀三錢四分七釐六毫五絲二忽。郡君回家路費銀六兩五錢五分。奴婢二十五人。每日共給路費銀一錢五分。○縣君本身及奴婢。每日共給銀二兩八分。坐馬草料。每日共給銀二錢三分一釐七毫六絲八忽。縣君回家路費銀

三兩八錢。奴婢二十人。每日共給路費銀一錢二分。○鄉君。本身及奴婢。每日共給銀一兩二分五釐。坐馬草料。每日共給銀一錢七分三釐八毫二絲六忽。鄉君回家路費銀二兩四錢九分。奴婢十人。每日共給路費銀五分。○宗女。本身及奴婢。每日共給銀九錢二分五釐。坐馬草料。每日共給銀一錢七分三釐八毫二絲六忽。宗女回家路費銀二兩。奴婢八人。每日共給路費銀四分。○固倫公主之固倫額駙。和碩公主之和碩額駙。本身及隨從人等。每日共給銀四

兩。坐馬草料。每日共給銀四錢四釐八絲二忽。額駙回家出喜峯口。給路費銀二十五兩五錢九分。出張家口。給銀二十五兩九分。出古北口。給銀二十四兩九分。隨從二十五人。每日共給路費銀一錢五分。○郡主之和碩額駙。本身及僕從。每日共給銀三兩二錢五分。坐馬草料。每日共給銀二錢六分九釐三毫八絲八忽。額駙回家路費銀十有五兩一錢。僕從二十五人。每日共給路費銀一錢三分。○縣主之多羅額駙。本身及僕從。每日共給銀二兩一分。坐馬草料。

每日共給銀二錢六分九釐三毫八絲八忽。額駙回家路費銀八兩五分。僕從二十人。每日共給路費銀一錢。○郡君之多羅額駙。本身及僕從。每日共給銀一兩八錢一分五釐。坐馬草料。每日共給銀二錢六分九釐三毫八絲八忽。額駙回家路費銀六兩五錢五分。僕從十五人。每日共給路費銀八分。○縣君額駙。本身及僕從。每日共給銀一兩三錢三分五釐。坐馬草料。每日共給銀二錢二釐四絲一忽。額駙回家路費銀三兩八錢。僕從十人。每日共給路費銀五分。

○鄉君額駙。本身及僕從。每日共給銀一兩一分。坐馬草料。每日共給銀六分七釐三毫四絲七忽。額駙回家路費銀二兩四錢九分。僕從六人。每日共給路費銀三分。○科爾沁土謝圖。卓里克圖。達爾漢。三親王。本身及隨從人等。每日共給銀七兩三錢五分。坐馬草料。每日共給銀一兩一分二毫五忽。來京進喜峯口。給路費銀十有八兩五錢。進張家口。給銀十有八兩。進古北口。給銀十有七兩。回家出喜峯口。給路費銀二十五兩五錢九分。出張家口。給銀二十五兩

九分。出古北口。給銀二十四兩九分。隨從四十人。每日共給路費銀三錢。○科爾沁達爾漢親王旗貝勒。本身及隨從人等。每日共給銀六兩三錢。坐馬草料。每日共給銀一兩一分二毫五忽。來京進喜峯口。給路費銀十有八兩五錢。進張家口。給銀十有八兩。進古北口。給銀十有七兩。回家出喜峯口。給路費銀二十五兩五錢九分。出張家口。給銀二十五兩九分。出古北口。給銀二十四兩九分。隨從三十人。每日共給路費銀一錢八分。○親王。本身及隨從人等。每日共

給銀六兩三錢五分。坐馬草料。每日共給銀一兩一分二毫五忽。回家給路費銀十有二兩八錢。隨從四十人。每日共給路費銀三錢。○郡王。本身及隨從人等。每日共給銀五兩三錢五分。坐馬草料。每日共給銀六錢七分三釐四毫七絲。回家給路費銀七兩八錢八分。隨從三十五人。每日共給銀二錢。○貝勒。本身及隨從人等。每日共給銀三兩四錢。坐馬草料。每日共給銀五錢三分八釐七毫七絲六忽。回家給路費銀五兩。隨從三十人。每日共給路費銀一錢八分。

○貝子。本身及隨從人等。每日共給銀二兩九錢。坐馬草料。每日共給銀四錢四釐八絲二忽。回家給路費銀三兩七錢。隨從二十五人。每日共給路費銀一錢五分。○公。本身及隨從人等。每日共給銀二兩四錢一分。坐馬草料。每日共給銀二錢六分九釐三毫八絲八忽。回家給路費銀三兩七分。隨從二十人。每日共給路費銀一錢二分。○扎薩克台吉塔布囊。本身及僕從。每日共給銀一兩六錢一分。坐馬草料。每日共給銀二錢二釐四絲一忽。回家給路費銀七錢

五分。僕從十人。每日共給路費銀五分。○公主。子孫台吉塔布囊。本身及僕從。每日共給銀一兩五錢三分五釐。坐馬草料。每日共給銀二錢二釐四絲一忽。回家給路費銀二兩五錢七分。僕從六人。每日共給路費銀三分。○有姻戚之台吉塔布囊。本身及僕從。每日共給銀一兩一錢六分。坐馬草料。每日共給銀二錢二釐四絲一忽。回家給路費銀七錢五分。自此以下。隨從僕人不給路費。○台吉塔布囊。本身及僕從。每日共給銀九錢二分。坐馬草料。每日共給銀六分七釐三毫四

絲七忽。回家給路費銀七錢五分。○都統子。本身及僕。每日共給銀三錢八分。坐馬草料。每日共給銀六分七釐三毫四絲七忽。回家日給路費銀一分。○副都統男。本身及僕。每日共給銀三錢二分。坐馬草料。每日給銀六分七釐三毫四絲七忽。回家日給路費銀一分。○長史護衛。叅領。佐領。騎都尉。雲騎尉。駙騎校等。本身及僕。每日共給銀一錢五分。坐馬草料。每日給銀六分七釐三毫四絲七忽。回家日給路費銀一分。○隨從領催。駙騎。閑散人等。每日給本身銀五

分。若別行差遣來京。加銀二分。坐馬草料。每日給銀六分七釐三毫四絲七忽。回家日給路費銀一分。

一增給。康熙六十一年十二月議準。蒙古王等。既因

聖祖仁皇帝大事前來。其本身廩給。應遵

旨於常額之外。親王。郡王。日各增給銀一兩一錢。貝勒

貝子。和碩公主之和碩額駙。日各增銀五錢五分。公。多羅額駙。固山額駙。扎薩克台吉。塔布囊。及姻戚台吉等。日各增銀一錢六分。台吉。塔布

囊等。日各增給銀二錢二分。○雍正十三年十月議準。因

世宗憲皇帝大事前來之蒙古王等。於照常廩給之外。親王。郡王。日各增給銀五錢五分。貝勒。貝子。和碩額駙。郡主。額駙。縣主。額駙。日各增給銀二錢七分五釐。公。郡君。額駙。縣君。額駙。鄉君。額駙。公之壻。鄉君之壻。扎薩克。台吉。塔布囊。公主之子。孫。姻戚。台吉等。日各增給銀一錢八分三釐。台吉。塔布囊等。日各增給銀一錢一分。至循例進貢之王。台吉等。仍照常廩給。不必加增。

一燕饗。

國初定。年節來朝之蒙古王等。均著於歲除賜燕一次。新正賜燕二次。越日。五旗王府。各設燕一次。○康熙十五年定。蒙古進貢之副都統。長史等。皆令與燕一賞賚。

國初定。內扎薩克。固倫公主。和碩公主。親王以下。公以上。請

安進貢來京。本身無賞。如固倫公主。和碩公主。親王。郡王。遣使請

安者。來使。賞給洋段一。彭段一。三梭布十二。僕從。布四。郡主。郡君。貝勒。貝子。公。來使。賞給彭段一。布八。僕從。布三。進貢來京之台吉。塔布囊。都統。子男。副都統。賞給大段一。彭段一。布十二。叅領。佐領。騎都尉。雲騎尉。達爾漢等。賞給洋段一。彭段一。布七。王府長史。一。二。三等護衛。典儀。閑散人等。賞給彭段一。布六。本身不來。遣使前來進貢者。來使。賞給彭段一。布四。此外隨伊主前來者。均無賞。至有姻戚之台吉等。本身不來。準遣使請

安進貢。其餘小台吉以下。驍騎校以上。本身不來。不準遣使。○順治十年定。歸化城進貢官員。各賞給表帽靴帶弓矢鞍轡白金有差。○十一年題準。年節來朝之王等。賞給品物。均於

午門外頒賜。○十八年題準。蒙古等以私事來京者。止給行糧。不加賞賚。○康熙九年題準。年節來朝之歸化城土默特都統等。各賞三等漆鞍一。段七。茶葉一簍。○十三年題準。賞年節來朝之王貝勒貝子公台吉塔布囊等。各分等次。親王。雕鞍一。銀茶桶茶盆各一。段三十六。茶葉五

簍。郡王。雕鞍一。銀茶桶一。段二十九。茶葉四簍。貝勒。雕鞍一。銀茶桶一。段二十二。茶葉三簍。貝子。漆鞍一。銀茶盆一。段十四。茶葉二簍。鎮國公。輔國公。各漆鞍一。銀茶盆一。段十。茶葉二簍。一二等台吉。塔布囊。漆鞍一。段七。茶葉一簍。三四等台吉。塔布囊。漆鞍一。段五。茶葉一簍。科爾沁。土謝圖。卓禮克圖。達爾漢。三親王。加賞甲胄一副。段八。扎薩克圖。郡王。加賞銀茶盆一。段六。○二十四年定。內扎薩克四十九旗。每年遣進羊酒聽事人。賞給彭段一。布八。僕從。布三。○五十

四年覆準。鄂爾多斯人請

安進貢。照伊來使品級。賞給諸物。交與內務府武備院製造。俟起程時賞給。○又覆準。賞年例來朝之王貝勒貝子公台吉塔布囊等。段足雕鞍銀茶桶茶盆茶葉等物。各照價值折銀賞給。具有加賞甲胄段幣者。亦按數折銀加賞。○五十五年

諭。近來所賞蒙古衣帽撒袋腰刀鞍轡段足茶布等物。實為粗陋。嗣後如賞內扎薩克喀爾喀。照定價畧減折銀賞給。如賞歸化城西藏厄魯特鄂羅斯。著內務

府武備院製造賞給著詳議具奏欽此遵

旨議準。親王以下。台吉塔布囊以上。應賞器物。親王酌量折給銀四百三十兩。郡王酌給銀三百十有七兩。貝勒酌給銀二百三十八兩。貝子酌給銀百五十兩。公酌給銀百十有七兩。扎薩克台吉塔布囊酌給銀七十六兩。一二等台吉塔布囊酌給銀六十三兩。三四等台吉塔布囊酌給銀五十三兩。再科爾沁親王三人。各加銀七十二兩。扎薩克圖郡王加銀七十三兩。永為例。一行圍。康熙六十一年奏準。蒙古隨圍之多羅

郡王四人。各賞緯帽一。綿龍段袍一。粧段鞋一。鍍金環佩帶一副。韁鞭。皮靴各一雙。腰刀一。環綠松石珊瑚撒袋一副。弓矢全。貝勒四人。貝子二人。公四人。各賞給緯帽。段袍。段鞋。佩帶。韁鞭。皮靴如前。不給腰刀。撒袋。弓矢。扎薩克一等台吉一人。賞如貝勒等。惟不給段鞋。台吉。塔布囊。都統。副都統。叅領。佐領。侍衛。總管。副管。驍騎校等。共計四百二十二。各賞官用段一。隨圍驍騎。長槍手。鳥槍手。前鋒。護軍。領催。哈嘛爾嚮導。捕戶等。共計千七百四十二人。各賞銀六兩。牽

馱馬人。及蒙古王等之閑散隨從人。共計五百八十五人。各賞銀三兩。毛青布一。○乾隆六年奏準。此番管理圍場。並無王等。無庸議外。其管理圍場之科爾沁。敖漢。翁牛特。喀喇沁等處貝勒三人。貝子一人。公三人。多羅額駙一人。固山額駙一人。台吉塔布囊七十二人。侍衛官員二百二十五人。皆照康熙六十一年之例賞給。其隨圍之驍騎捕戶人等。共千八百一十有一人。照舊例賞銀六兩外。遵

旨。各加賞銀三兩。牽馱馬人。趕車人等。共二百九十

六人。照舊例賞銀布外。遵

旨。各加賞銀一兩五錢。再貝勒公等之護衛官員。亦應照前例。各賞毛青布一。銀三兩。奉

旨。科爾沁土謝圖親王等十有五人。各加賞緯帽一頂。粧段衣一襲。佩帶靴鞮各一事。科爾沁達爾漢親王羅布藏滾布等三人。各加賞刀一。弓矢全撒袋一副。上用龍段一。塔布囊敏珠爾拉布坦。加賞腰刀一。弓矢全撒袋一副。哈嘛爾行走三十一人。各加賞官用段一。額駙策凌。雖未隨圍。亦照隨圍親王之例。賞給一分。其賞給之物。交伊子公。車布

登扎布寄去○十二年議準嗣後前往哨鹿圍場
請

安隨圍之王貝勒貝子公台吉等止賞段足者按數
賞給若賞賜衣服亦酌量折給段足

一俸幣固倫公主俸銀千兩俸段三十和碩公
主俸銀二百兩俸段十有二郡主俸銀百五十
兩俸段十縣主俸銀百兩俸段八郡君俸銀五
十兩俸段六縣君俸銀四十兩俸段五鄉君俸
銀三十兩俸段四固倫公主之固倫額駙和碩
公主之和碩額駙俸銀二百兩俸段九郡主額

駙俸銀百兩俸段八縣主之多羅額駙俸銀五
十兩俸段五郡君之多羅額駙俸銀四十兩俸
段三科爾沁土謝圖卓里克圖達爾漢三親王俸銀二
千五百兩俸段四十其餘親王俸銀二千兩俸
段二十五科爾沁扎薩克圖郡王俸銀千五百
兩俸段二十其餘郡王俸銀二百兩俸段二十
有五貝勒俸銀八百兩俸段十有三貝子俸銀
五百兩俸段十鎮國公俸銀三百兩俸段九輔
國公俸銀二百兩俸段七扎薩克台吉塔布囊

二十一年字多男一

二字改

自

口

之

固

山

額

登扎布寄去○十二年議準嗣後前往哨鹿圍場
請

安隨圍之王貝勒貝子公台吉等止賞段足者按數
賞給若賞賜衣服亦酌量折給段足

一俸幣固倫公主俸銀千兩俸段三十和碩公
主俸銀二百兩俸段十有二郡主俸銀百五十
兩俸段十縣主俸銀百兩俸段八郡君俸銀五
十兩俸段六縣君俸銀四十兩俸段五鄉君俸
銀三十兩俸段四固倫公主之固倫額駙和碩
公主之和碩額駙俸銀二百兩俸段九郡主額

駙俸銀百兩俸段八縣主之多羅額駙俸銀五
十兩俸段五郡君之多羅額駙俸銀四十兩俸
段四縣君之固山額駙俸銀三十兩俸段三科

爾沁土謝圖卓里克圖達爾漢三親王俸銀二
千五百兩俸段四十其餘親王俸銀二千兩俸
段二十五科爾沁扎薩克圖郡王俸銀千五百
兩俸段二十其餘郡王俸銀二百兩俸段二十
有五貝勒俸銀八百兩俸段十有三貝子俸銀
五百兩俸段十鎮國公俸銀三百兩俸段九輔
國公俸銀二百兩俸段七扎薩克台吉塔布囊

俸銀百兩。俸段四。一等子。俸銀二百五兩。二等子。百九十二兩五錢。三等子。百八十兩。一等男。俸銀百五十五兩。二等男。百四十二兩五錢。三等男。百三十兩。一等輕車都尉。俸銀百五兩。二等輕車都尉。九十二兩五錢。三等輕車都尉。八十兩。騎都尉。俸銀五十五兩。雲騎尉。俸銀四十二兩五錢。○雍正七年

諭。蒙古王以下扎薩克一等台吉以上。著通行增賞俸銀一倍。再開散一等台吉。從前無俸。亦著照從前扎薩克一等台吉所食俸銀百兩之數賞給。嗣後著戶

四年十年查

部會同理藩院。於年底將倍賞之處請旨。欽此。○四年議準。

乾清門行走之一等台吉塔布囊。歲給俸銀百兩。二等八十兩。三等六十兩。四等四十兩。一額駙封號。康熙四十年議準。蒙古額駙於郡主等薨逝後續娶者。銷去額駙之號。停其俸祿。如郡主等薨逝後。不曾別娶。仍留額駙之號。照舊給與俸祿。一振卹。

國初定。蒙古如遇災荒。令附於該扎薩克及各旗理藩院則例。

俸銀百兩。俸段四。一等子。俸銀二百五兩。二等子。百九十二兩五錢。三等子。百八十兩。一等男。俸銀百五十五兩。二等男。百四十二兩五錢。三等男。百三十兩。一等輕車都尉。俸銀百五兩。二等輕車都尉。九十二兩五錢。三等輕車都尉。八十兩。騎都尉。俸銀五十五兩。雲騎尉。俸銀四十二兩五錢。○雍正七年

諭。蒙古王以下扎薩克一等台吉以上。著通行增賞俸銀一倍。再開散一等台吉。從前無俸。亦著照從前扎薩克一等台吉所食俸銀百兩之數。賞給嗣後著戶

部會同理藩院。於年底將倍賞之處請旨。欽此。○四年議準。

乾清門行走之一等台吉。塔布囊。歲給俸銀百兩。二等。八十兩。三等。六十兩。四等。四十兩。一額駙封號。康熙四十年議準。蒙古額駙於郡主等薨逝後。續娶者。銷去額駙之號。停其俸祿。如郡主等薨逝後。不曾別娶。仍留額駙之號。照舊給與俸祿。一振卹。

國初定。蒙古如遇災荒。令附於該扎薩克及各旗

富戶喇嘛人等。設法養贍。如仍不敷。該會內人等共出牛羊。協濟養贍。仍將協濟被災人口數目。造冊送院。倘連歲饑饉。該會內力乏不能養濟。著盟長會同該扎薩克等。一同具報到院。由院請

旨。遣官察勘。發帑振濟。將該扎薩克王貝勒貝子公台吉塔布囊等次年俸銀。豫行支取。一并入於振濟項內使用。振濟後。該扎薩克王等仍不能養卹屬下。又至窮困者。即將窮困之戶撤出。給與該會內賢能扎薩克等養贍。○康熙三十年。

遣官五路分察蒙古各旗佐領內貧人。奉

旨。前蒙古等處盜賊稀少。今乃日見奏報。良由窮困所致。彼携妻挾子前來。若盡行收留。彼無遺類矣。今爾等往會彼屬王貝勒。及耆老輩計議。作何長久營生。使貧人得所。不致邊土流亡。確議具奏。欽此。遵

旨覆準。衆蒙古王貝勒以下。耆老什長以上。謹遵

恩旨。嚴行曉諭各旗。嗣後均擇水草佳處游牧。輕役減稅。務求永遠營生之道。今先察明貧乏之戶。著本旗扎薩克及富戶喇嘛等撫養。不足。則各旗公助牛羊。每貧台吉。給牛三頭。羊十五隻。每貧

人。給牛二頭。羊十隻。令其孳育。永作生理。勿為盜賊。亦不致流亡。取其衆旗承領養贍貧人數目印結。一并送院。注籍存案。倘日後有以貧窮告者。照籍將該管扎薩克議處。有告振不實者。仍治以罪。○雍正元年

諭。郭爾羅斯乏食。白都納倉糧頗多。即將此米散振。但止給與米糧餬口。並無產業。何以為生。向者給產業買牲餼之事。皆委富戶。富戶苟且塞責。所給蒙古之物。浮報數倍。蒙古並不得實惠。科爾沁一旗。與他蒙古不同。世為國戚。恪恭翼順。歷今百有餘年。今聞伊

屬下之人乏食。朕心軫惻。著齎帑銀三萬兩往振。再差大臣一人。司官一人。往郭爾羅斯旗下。將實在窮苦。並無牲餼之人。察明數目。按伊戶口足用之數。給與乳牛羊隻。欽此。○又

諭。今年口外蒙古地方。雖獲豐收。但科爾沁教漢等十有六處扎薩克地方。收穫未豐。宜加特恩。科爾沁五旗。著賞銀三千兩。此項銀交與見今在京科爾沁王等帶去。將科爾沁土謝圖親王等五旗未能豐收者。察明賞給。教漢等十有一旗。著賞銀六千兩。可簡司官二人。分兩路送往。會同各該扎薩克。將未能豐收

者。察明賞給欽此。○五年

諭。索倫達虎里等處。兩年馬匹牲畜多有倒斃。豐歉不一。兵丁生計稍艱。著動戶部帑銀五千兩。交總管副都統與將軍公同商酌。養育索倫窮苦之人。及賞給効力兵丁。欽此。○乾隆十二年

諭。據差往察覈拯救蘇尼特等六旗被災貧人之尚書奏稱。烏朱穆秦四旗被災較輕。其下二萬餘口貧窮蒙古均并於該旗贍養。無庸拯救等語。該扎薩克等如此辦理。雖係其分內之事。朕甚嘉之。著特加恩。此四旗內養贍貧人之王貝勒貝子公等。

著賜俸半年。其無俸之副台吉。量賜銀四十兩。小台吉。二十兩。官員。白丁。喇嘛。入於賞給罪罰牲畜之內。均照去年烏蘭察布之盟。施恩辦理。欽此。



